

Universitätsbibliothek Paderborn

Medvlla Theologica

Ex Sacris Scriptvris, Conciliorvm Pontificvmqve Decretis, Et Sanctorvm
Patrvm Ac Doctorum Placitis Expressa ; In qua, quidquid tum ad fidei
mysteria sanè ac rectè intelligenda, & ab erroribus quibusvis secernenda,
tum ad sacramenta debitè conficienda & ministranda, tum ad actiones
humanas iuxta ...

Complectens ea quæ ad Sacramenta & mores pertinent

Abelly, Louis

Coloniæ Agrippinæ, 1659

II. Vtrum Sacramenta nouæ legis constent rebus & verbus tanquam
materia & forma.

urn:nbn:de:hbz:466:1-38979

SECTIO II.

Vtrum Sacra menta nova legis consistat rebus & verbis tanquam materia & forma.

Ad juvandam humanæ mentis imbecillitatem in percipiendis iis, quæ ad Sacramentorum rationem spectant, Ecclesia divinitus inspirata certos loquendi modos adinvenit, & ex eterum naturalium similitudine deduxit per quos ideam quamdam, licet aliquatenus imperfectam, veram tamen & certam mysteriorum illorum super naturalium conciperemus. Sicut igitur cernimus subtilitas omnes corporeas constare duobus principiis componentibus, materia scilicet & forma; sic ad percipiendam naturam Sacramentorum duas veluti partes in unoquoque illorum distinguendas esse docuit; unam quæ materia, alteram quæ forma rationem obtineret. Ita expressè determinatur in Concil. Florent. in Decreto Eugenii Papæ, ubi post enumerationem septem Sacramentorum nova legis huius verba subjunguntur. *Hac omnia Sacra menta tribus perficiuntur, videlicet rebus tanquam materia, verbis tanquam formæ & personâ ministri.*

Est autem observandum nomine rerum, quæ dicuntur esse instar materiae, intelligi id omne, quod in Sacramentis indeterminatam habet significationem; nomine verborum id, per quod illud determinatur: exempli gratia in Baptismo aqua naturalis se habet instar materiae quia (ut docet S. Thomas q. 60. a. 6.) Significare potest ablutionem propter suam humiditatem, & refrigerium propter suam frigiditatem. Sed cum dicitur (ego te baptizo) manifestatur quo d' aquâ utimur in Baptismo ad significandam emunationem spiritualem.

Quare an materia formæ conjungi debeat, & simul pore cum illa existere, ut Sacrementum validè conficiatur. Respondetur id ex cuiusque Sacramenti natura ei dignoscendum. Nam in confectione Sacramenti Euchari-

stia requiritur, ut eo ipso tempore, quo verba formæ profertur, materia præsens sit; hanc enim ut præsentem significat pronomen demonstrativum (*hoc vel hic*) quod in forma ponitur. In Sacramento autem Poenitentia, cum forma non significet applicationem materiæ, sed proferatur per modum judicij, nec in judicio requiratur ut sententia judicis cum rei accusatione tempore conjuncta sit; hinc fit, ut in hoc Sacramento non requiratur, ut absolutionis forma cum confessione & aliis actibus poenitentis, qui materia locum tenent, tempore coniungatur. In aliis vero Sacramentis quæ in actione aliqua transiente consistunt, & quorum forma applicationem ipsius materia significat; quamvis aliqui doctores arbitrentur ad illorum validitatem satis esse, ut moralis aliqua conjunctio inter materiam & formam reperiatur adeoque validum verbi gratia fore Baptismum, si statim quoque post ablutionem verba formæ proferantur, aut post formæ prolationem ablutio sequatur; certior tamen & tunc decideret in praxi est aliorum omnium doctorum sententia ubi prius afferunt materiam ac formam simul reipsa debere regis haec conjungi, ita ut simul tempore, materia Sacramenti applicetur & verba formæ proferantur; aut saltem priusquam materia applicatio finiatur, formæ prolatio inchoetur; vel vice versa. Ita glossa in cap. (*detrahet.*) causa i. quest. 1. Joan. Major. Richardus, Scotus, Paludanus, Sylvester, Navarrus, & alij quos citat & quibus subscribit Vivaldus in Candelabro aureo n. part. tit. i. num. 15.

Cæterum ad faciliorem intelligentiam eorum, quæ de unoquoque Sacramento in particulari dicenda sunt, Theologi communiter duplicem distinguere solent materiam in Sacramentis, saltem in iis quæ in usu seu actione transeunte consistunt (qualia sunt omnia novæ legis Sacraenta præter sanctissimam Eucharistiam, ut suo loco explicabitur) remotam scilicet & propinquam. Materia remota dicitur res illa, circa quam actio Sacramenti exercetur, ut aqua naturalis in Baptismo, oleum balsamo mixtum in Confirmatione, &c. Materia vero propinquam dicitur ipse actus, seu usus illius rei sensibilis, puta ablutione, uncio, &c.

A 3

SEC-